



BANKA POPULLORE E REPUBLIKËS SË MAQEDONISË

Në mbështetje të nenit 47, paragrafi 1, pika 6 të Ligjit të Bankës Popullore të Republikës së Maqedonisë ("Gazeta Zyrtare e Republikës së Maqedonisë së Veriut" nr. 158/10, 123/12 dhe 43/14) dhe nenin 172, paragrafi 8 të Ligjit të Bankave ("Gazeta Zyrtare e Republikës së Maqedonisë së Veriut" nr. 67/07, 90/09, 67/10, 26/13 dhe 15/15), Këshilli i Bankës Popullore të Republikës së Maqedonisë mori:

VENDIM

për ndryshimin dhe plotësimin e Vendimit për kushtet dhe mënyrën e punës së kursimoreve ("Gazeta Zyrtare e Republikës së Maqedonisë" nr. 74/15)

1. Në Vendimin për kushtet dhe mënyrën e punës së kursimoreve ("Gazeta Zyrtare e Republikës së Maqedonisë së Veriut" nr. 79/07 dhe 78/08), pika 1 ndryshohet si më poshtë:

"1. Me këtë vendim përcaktohen kushtet dhe mënyra e punës së kursimoreve në Republikën e Maqedonisë, nga aspekti i:

- miratimit të kredive dhe ekspozimit;
- mjaftueshmërisë së kapitalit;
- investimeve;
- mbledhjes së depozitave;
- auditimit të brendshëm; dhe
- menaxhimit të rrezikut valutor."

2. Pas pikës 3 shtohet kreu i ri: **"II-A. MJAFTUESHMËRIA E KAPITALIT"**.

3. Pika 4 ndryshohet si më poshtë:

"4. Kursimorja është e detyruar të mbajë shkallën e mjaftueshmërisë së kapitalit që nuk mund të jetë më i ulët se 20%.

Kursimorja përcakton shkallën e mjaftueshmërisë së kapitalit me zbatimin e duhur të rregullores së Bankës Popullore për metodologjinë e përcaktimit të mjaftueshmërisë së kapitalit.

Gjatë përcaktimit të mjaftueshmërisë së kapitalit, kapitali i nevojshëm për mbulimin e rreziqeve të përcaktuara në përputhje me rregulloren e paragrafit 2 të kësaj pike shumëzohet me 2,5."

4. Pika 7 ndryshohet si më poshtë:

“Kursimorja është e detyruar të vendosë në pikat e saj të pagesave dhe shlyerjeve kumtesën që nuk pranon depozita në valutë”.

5. Në pikën 9, paragrafi 2 ndryshohet si më poshtë:

“Me përjashtim të paragrafit 1 të kësaj pike, nëse kursimorja nuk ka person - auditor të autorizuar në Shërbimin e auditimit të brendshëm, të paktën njëri nga të punësuarit në Shërbimin e auditimit të brendshëm duhet të ketë certifikatën e auditorit, të fituar në përputhje me ligjin.”

Paragrafët 3, 4, 5, 6 dhe 7 fshihen.

6. Pas pikës 9 shtohet kreu i ri **“V-A. MENAXHIMI I RREZIKUT VALUTOR”** dhe pika e re 9-a si më poshtë:

“V-A. MENAXHIMI I RREZIKUT VALUTOR

9-a. Kursimorja është e detyruar të menaxhojë rrezikun valutor në mënyrën që korrespondon me natyrën, madhësinë dhe ndërlikueshmërinë e aktiviteteve që kryen

Menaxhimi i rrezikut valutor të paragrafit 1 të kësaj pike duhet të mbulojë të gjitha aktivitetet dhe transaksionet e kursimoreve të shprehura në denarë me klauzolë valutore.

Gjatë menaxhimit të rrezikut valutor, kursimorja është e detyruar të respektojë udhëzimet dhe kërkesat e përcaktuara me rregulloren e Bankës Popullore për menaxhimin e rrezikut valutor, të cilat i referohen krijimit të sistemit për menaxhimin e rrezikut valutor, kompetencave të organeve të kursimoreve gjatë menaxhimit të rrezikut valutor dhe miratimin dhe fushëveprimin e politikës dhe procedurave të duhura për menaxhimin e këtij rreziku.

Në aktet e brendshme për identifikimin, matjen, kontrollin ose zvogëlimin dhe ndjekjen e rrezikut valutor, kursimorja duhet të përcaktojë një ose më shumë tregues për ndjekjen dhe kufizimin e ekspozimit ndaj rrezikut valutor.

Banka Popullore mund të kërkojë nga kursimorja të zbatojë tregues më të ndryshëm për ndjekjen dhe kufizimin e ekspozimit ndaj rrezikut valutore që kursimorja është e detyruar t’i respektojë.”

7. kursimoret janë të detyruara të harmonizohen me dispozitat e këtij vendimi deri më 31 dhjetor 2015.

Me përjashtim të paragrafit 1 të kësaj pike, dispozitat e pikës 5 të vendimit të njëjtë do të zbatohen nga dita e miratimit të kursimoreve me dispozitat e tyre deri më 31 dhjetor 2015.

8. Ditën e hyrjes në fuqi të këtij vendimi pushojnë së vlefshmi kufizimet që përfshihen në lejet për themelimin dhe funksionimin e kursimoreve, në aspekt të sasisë së depozitave që mund të mbledhin.

Ky vendim hyn në fuqi tetë ditë pas botimit në Gazetën Zyrtare të Republikës së Maqedonisë.

V nr. 02-15/IV-2/2015
30 prill 2015
Shkup

Guvernatori
dhe kryesuesi
i Këshillit të Bankës Popullore të
Republikës së Maqedonisë
Dimitar Bogov